

**Aningaasalersuinermik ingerlataqarneq pillugu inatsisip aamma
aningsaasaliisut aningaasalersuisullu qularnaveeqqusiisarnerannut
aningsaasaateqarfik pillugu inatsisip allannguutaannik inatsisip
Kalaallit nunaanni atuutilersinneranik peqqussut**

(Naalagaaffimmi sillimmasiisarnermik aqqissuussinerup atuuffiata naanerata kingorna
aningsaaserivinnik atugarliortunik tamanut atatillugu suliaqarneq)

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

§ 6 inatsimmi nr. 721 25. juni 2010-meersoq naapertorlugu aningsaasatigut patajaassuseq pillugu inatsisip, aningsaasaliisut aningsaasalersuisullu qularnaveeqqusiisarnerannut aningsaasaateqarfik pillugu inatsisip aamma isertitanit naalagaaffimmut akileraarutit nalimmassarneqartarnerat pillugu inatsisip (Naalagaaffimmi sillimmasiisarnermik aqqissuussinerup atuuffiata naanerata kingorna aningsaaserivinnik atugarliortunik tamanut atatillugu suliaqarnerup) allannguutaat pillugit inatsimmi nr. 721, 25. juni 2010-meersumi § 6 naapertorlugu makku allannguutitut aalajangiunneqarput:

§ 1

(Kalaallit Nunaanni atuutilersinneqassanngilaq)

§ 2

Tak. inatsit pillugu nalunaarut nr. 793 20. august 2009-meersoq, inatsisikkut nr. 1273 16. december 2009-meersumi § 1-kkut kingullermik allanngortinneqartoq, aningsaasalersuinermik ingerlataqarneq pillugu inatsimmi makku allannguutissatut aalajangiunneqarput:

1. § 245-p kingorna makku ilanngunneqassapput:

»§ 245 a. § 225, imm. 1 malillugu Finanstilsyni aningsaaserivimmut piffissamik killiliisimappat aningsaasat ikisat taarsigassarsiarititallu pillugit aningsaaseriviup kontoi, pensionisiassanit katersiviit assigisaallu pillugit takussutissanik paasissutissanillu nalunaaquttap akunneri 24-it iluanni piareersaanissaat pissarsinissaallu qulakkearniarlugu sulianik suliarinneriaatsinik periaatsinillu atorluarsinnaasunik aningsaaseriviit isumannaarissapput.

Imm. 2. Finanstilsyni § 225, imm. 1 malillugu piffissamik killiliisimappat aningsaaseriviit isumannaarinissaat pisinnaaqullugu malittarisassanik erseqqinnersunik Finanstilsyni malittarisassiussaaq.«

2. § 247, *imm. 1*-mi »nammineq aningsaasaatit:« kingorna ilanngunneqassaaq, imaluunniit suliffeqarfik piffissaliussamut akiliisinnaassuseqanngitsoq imaluunniit piffissaliusaamut akiliisinnaassuseerutissasoq naatsorsuutigineqarpat.«

3. § 354, *imm. 6, nr. 11*-mi, »2. pkt.-p« kingorna ilanngunneqassaaq: », aamma aningsaasaliisarnerup patajaatsuutinnissaa pillugu inatsimmi § 16 g, imm. 9.«

4. § 354, imm. 6, nr. 14-imi, »kapitali 2« imaalillugu allanngortinneqassaaq: »kapitali 2 a aamma 4 b«.

§ 3

Aningaasaliisut aningaasalersuisullu qularnaveeqqusiisarnerannut aningaasaateqarfik pillugu inatsimmi, tak. inatsit pillugu nalunaarut nr. 794 20. august 2009-meersoq, inatsit nr. 338, 1. maj 2009-meersumi § 1-kkut aamma inatsit nr. 1273, 16. december 2009-meersumi § 8-kkut allanngortinneqartumi, makku allannguutitut aalajangiunneqarput:

1. § 1-imi imm. 3 aamma 4-tut ilanngunneqassapput::

»Imm. 3. Aningaasaliisarnerup patajaatsuunissaa pillugu inatsimmi § 16 e naapertorlugu aningaaseriviit ajornartorsiortut atorunnaarsikkiartuaartinnissaannut Aningaasaateqarfik peqataasassaaq.

Imm. 4. Imm. 3 malillugu Aningaasaateqarfik peqataasimappat, imm. 2 malillugu aningaaseriviup pineqartup akiliisarnera unitsinneqarpat imaluunniit akiliisinnaajunnaarpat Aningaasaateqarfik peqataassanngilaq.«

2. Kapitali 1-imi § 2 kingorna ilanngunneqassaaq:

»§ 2 a. Aningaasalersuisarnerup patajaatsuunissaa pillugu inatsimmi kapitali 4 malillugu aningaaseriviup ingerlatai ingerlatseqatigiiffiup Finansielt Stabilitet A/S-imit pigineqartup tiguppagit, atorunnaarsitsiartuaartitsinermut immikkoortortaarfik aqutugalugu ingerlatseqatigiiffiup Finansielt Stabilitet A/S-ip pigisaata aningaasaateqalersinneranit annaasanut Finansielt Stabilitet A/S akiliussigallassasoq Aningaasaateqarfiup piumasarissavaa, tak. aningaasalersuisarnerup patajaatsuunissaa pillugu inatsimmi § 16 e, imm. 2 malillugu ingerlatseqatigiiffiup pigisap akiliisinnaassuseqarnissaanut Finansielt Stabilitet A/S-ip aningaasaliussai, tak. aningaasalersuisarnerup patajaatsuunissaa pillugu inatsimmi § 16 e, imm. 3 kiisalu atorunnaarsitsiartuaartitsinerup kingunerisaanik ingerlatseqatigiiffimmi Finansielt Stabilitet A/S-ip pigisaani amigartoorutaasinnaasut.

Imm. 2. Imm. 1 malillugu Aningaasaateqarfiup qularnaveeqqusiussaasa ajutoorutaannginnissaat pillugu akiliutip akilernissaa pillugu malittarisassanik erseqqinerusunik Økonomi- og erhvervsministeri aalajangersaasinnaavoq.«

3. § 5 imatut oqaasertaqassaaq:

»§ 5. Aningaasaateqarfik immikkortortanut sisamanut aggugaavoq: Aningaaserivinnut immikkoortortaq, qularnaveeqqusiissutitalimmik taarsigassarsititsisarfirmut immikkoortortaq, fondsmæglerselskabimut immikkoortortaq aamma atorunnaarsitsiartuaartitsinermut immikkoortortaq.

Imm. 2. Aningaaserivinnut immikkoortortami ilaapput aningaaseriviit kiisalu immikkoortortaarfii ilanngussimasut § 3, imm. 1, nr. 1-imi taaneqartut, tak. imm. 6.

Imm. 3. Qularnaveeqqusiissutitalimmik taarsigassarsititsisarfirmut immikkoortortami ilaapput aningaaseriviit kiisalu immikkoortortaarfii ilanngussimasut § 3, imm. 1, nr. 2-mi taaneqartut, tak. imm. 6.

Imm. 4. Fondsmæglerselskabimut immikkoortortami ilaapput aningaaseriviit kiisalu immikkoortortaarfii ilanngussimasut § 3, imm. 1, nr. 3-mi taaneqartut, tak. imm. 6.

Imm. 5. § 2 a malillugu atorunnaarsitsiartuaartitsinermut immikkoortortami ilaapput aningaaseriviit § 3, imm. 1, nr. 1-imi taaneqartut.

Imm. 6. Aningaaseriviit § 3, imm. 1, nr. 4, aamma § 4-mi taaneqartut immikkoortortanut sorlertnut ilaatinneqarnissaat pillugu Aningaasaateqarfiup siulersuisui aalajangiissapput.

Imm. 7. Atorunnaarsitsiartuaartitsinermik aqqissuussineq aningaasalersuisarnerup patajaatsuunissaa pillugu inatsimmi kapitali 4 b-mi taaneqartoq malillugu pigisat allamit tiguneqarneranni aningaasatigut aqqeeqqatigiissutissat annertussusissaat pillugu

atorunnaarsitsiartuaartitsinermi immikkoortorta qarfimmi nalit pillugit annertussusiliisartut aalajangiissapput.«

4. § 6, imm. 2, atorunnaarsinneqassaaq, tamatumunngalu taarsiullugu ilanngunneqassaaq:

» Imm. 2. Inatsit naapertorlugu immikkoortorta qarfiup akiligassaasa matussusermissaannut akiliutissat imm. 1-imi taaneqartut naammangippata, immikkoortorta qarfiit ataatsimut akilersinnaasaat malillugu aningaaseriviit, qularnaveeqqusiissutitalinnik taarsigassarsitsisarfiiit aamma fondsmæglerselskabit immikkoortortaat imminnut taarsigassarsitsisinnaapput.

Imm. 3. Atorunnaarsitsiartuaartitsinermit immikkoortorta qarfiit taarsigassarsisinnaavoq taamaattorli immikkoortortani allani taarsigassarsisinnaanani.«

Imm. 3-5 tamatuma kingorna imm. 4-6-nngussaaq.

5. § 7, imm. 1, imatut oqaasertaqassaaq:

»Aningaasaate qarfiup nalinginnaasumik aningaasaatai aningaaserivinni, qularnaveeqqusiissutitalinnik taarsigassarsitsisarfimmi aamma fondsmæglerselskabini immikkoortortani minnerpaamik 3,2 mia. kr.-iussapput. Taamatuttaaq Atorunnaarsitsiartuaartitsinermit immikkoortortap nammineq immikkut aningaasaatai minnerpaamik 3,2 mia. kr.-iussapput.«

6. § 7, imm. 2-mi, 3. pkt.-itut ilanngunneqassaaq:

»Taamaattorli atorunnaarsitsiartuaartitsinermit immikkoortortap nammineq immikkut aningaasaatai aningaaserivinnit akiliuteqartartussaataasunit akiliutinik kisimi aningaasartaqartinneqassapput.«

7. § 7, imm. 3-mi, 3. pkt.-itut ilanngunneqassaaq:

»§ 6, imm. 3 malillugu uninngasuutit imaluunniit taarsigassarsianit taarsersuutit atorlugit atorunnaarsitsiartuaartitsinermit immikkoortortamut aningaaseriviit ataatsimut akiliutaat, ukiup naatsorsuorsiorfiusup iluani aningaaseriviit aningaasaataasa annerpaamik 2 promille'annik aningaasartaqarsinnaapput.«

8. § 15 malillugu kapitali 5-imut ilanngunneqassaaq:

»§ 15 a. Aningaaseriviit § 3, imm. 1, nr. 1-imi taaneqartut pigisatik ingerlatseqatigiiffimmut Finansielt Stabilitet A/S-imit pigineqartumut aningaasalersuinerup patajaatsuunissaa pillugu inatsimmi kapitali 4 b malillugu pilersinneqartumut tunniuppatigik §§ 9 aamma 11-14-imi maleruagassat malillugit aningaasaliissutit pappiaqqallu nalillit Aningaasaate qarfiup matussusissavai.«

9. Kapitali 6-ip qulequtaa imaatut oqaasertaqassaaq:

»Aningaasaate qarfiimmit akiliutit«

10. § 16-imi imm. 1-p kingorna immikkoortutut nutaatut ilanngunneqassaaq:

»Imm. 2. Ingerlatseqatigiiffimmut Finansielt Stabilitet A/S-imit pigineqartumut § 15 a malillugu akiliisoqassaaq, tak. aningaasalersuinerup patajaatsuunissaa pillugu inatsimmi § 16 h, imm. 3.«

Imm. 2-4 tamatuma kingorna imm. 3-5-inngussaaq.

11. § 17 taamaalilluni imatut oqaasertaqassaaq:

»§ 17. Akiliisarnerup unitsinneqarneranik aningaaserivik nalunaaruteqartoq, akiliisinnaajunnaartoq imaluunniit aningaasalersuinerup patajaatsuunissaa pillugu inatsimmi

kapitali 4 b malillugu atorunnaarsitsiartuaartinneqartumut aningaasaliisut imaluunniit aningaasalersuisut pisassaannik Aningaasaateqarfik matussusiigallassaaq.«

12. § 18-imi imm. 3-ip kingorna immikkoortut nutaatut ilanngunneqassaaq:

»Imm. 4. Atorunnaarsitsiartuaartitsinermit immikkoortortap nalinik annertussusiliisartui aningaaseriviit § 3, imm. 1, nr. 1-imi taaneqartut sinniisuutitaannik sisamanik ilaasortaqaassaaq. Ukiut pingasukkaarlugit ilaasortassat Finansrådip inassuteqarneratigut aningaasaqarnermut inuussutissarsiutinullu ministerip toqqartassavai. Nalinik annertussusiliisartut akunnerminni siulittaasumik qinersissapput.«

Imm. 4 tamatuma kingorna imm. 5-inngussaaq.

§ 4

(Kalaallit Nunaanni attuutilersinneqassanngilaq)

§ 5

Peqqussut manna 1. oktober 2010-mi Kalaallit Nunaanni atuutilerpoq.

§ 6

(Kalaallit Nunaanni attuutilersinneqassanngilaq)

Tunniunneqarpoq Christiansborg Slotimi, ulloq 1. september 2010

Kunngikkormiuussutsitsinnik Atsiorpugut Naqissusiillutalu

MARGRETHE R.

/ Brian Mikkelsen